

## 17. Finansies

### 17.1 RAPPORT DEPUTATE VIR ADVIES INSAKE TOESEGGINGS UIT DIE RENTE VAN DIE SUSTENASIEFONDS (Artt 70, 71, 269)

- A. Ds MP Fourie lewer die Rapport.
- B. **Besluit:** Die Rapport word verwys na Kommissie vir Finansies.
- C. Ds PJ Nel rapporteer namens die Kommissie vir Finansies.

#### D. **RAPPORT**

##### 1. Opdrag

Die opdrag is in die Acta van 2006:283.

**Besluit: Kennis geneem.**

##### 2. Sake waarvan die Sinode moet kennis neem

2.1 Vir die stand van die Sustentasiefonds se kapitaal- en rentefonds – kyk die finansiële state van die Administratiewe Buro.

##### 2.2 *Aansoeke*

2.2.1 Ten spyte van herhaalde versoeke en van die verduidelikende notas, was baie kerke se aansoeke nie volledig nie en het dit nie aan al die vereistes van die Reglement voldoen nie. Daar was ook aansoeke van kerke wat keurig en netjies versorg was met al die nodige inligting en verduidelikings. Sommige Klassisse het baie deeglike werk gedoen, terwyl ander hulle verantwoordelikheid om die aansoek te motiveer, nagelaat het.

2.2.2 Aansoeke is op dieselfde wyse as in die verlede behandel en beoordeel volgens die Reglement. Kerke wat aansoek doen om sustentasie is gevra vir 'n bedieningsplan sodat die wyse waarop die kerk sy roeping wil nakom, duidelik is. Vergelyk ook die werkswyse in die Reglement (Acta 2006:277-282).

2.2.3 Die aansoeke van kerke by die Sustentasiefonds vir 2007 was R4 465 264.00. Die Deputate het 'n bedrag van R3 035 617 goedgekeur waarvan die Sustentasiefonds met R1 660 200 gesustenteer het. Partikuliere Sinodes en Klassisse het die res gesustenteer.

2.2.4 Die aansoeke deur die kerke by die Sustentasiefonds vir 2008 was R3 874 157.00. Die Deputate het 'n bedrag van R3 314 433 goedgekeur waarvan die Sustentasiefonds met R1 800 000 gesustenteer het. Partikuliere Sinodes en Klassisse het die res gesustenteer.

2.2.5 Die Deputate sal aanvullend rapporteer oor die aansoeke en toekennings vir 2009.

**Besluit: Kennis geneem van 2.1 tot 2.2.5.**

##### 3. Sake waaroor die Sinode moet besluit

##### 3.1 *Toekennings*

Oostelike Partikuliere Sinode vir 2007 en 2008 en Partikuliere Sinode Pretoria vir 2008, het sustentasie aansoeke in hulle ressort self hanteer waarvoor ons baie dankbaar is.

<b>Partikuliere Sinodes</b>	<b>2007</b>	<b>2008</b>
Bosveld	17 000	75 000
Pretoria	37 000	0
Noordwes	147 700	47 000
Oostelike	0	0
OVS en Natal	537 000	602 000

Suidelike	765 500	925 000
Randvaal	156 000	151 000
<b>Totaal</b>	<b>1 660 200</b>	<b>1 800 000</b>

### 3.2 Aanbeveling

Die Sinode neem kennis van die toekennings wat gemaak is en keur die optrede van die Deputate goed.

#### **Besluit: Goedgekeur.**

### 3.3 Fondsinsameling

3.3.1 Aan al die kerke is 'n omsendskrywe gerig waarin bydraes gevra is.

3.3.2 Die Sinode met dankbaarheid kennis neem van die mooi bydraes van sommige kerke en lidmate.

3.3.3 Die kollektes wat kerke opgeneem het, het nie naby die riglyn van R10.00 per lidmaat per jaar gekom nie.

#### 3.3.4 Aanbevelings

3.3.4.1 Die Sinode neem met groot dankbaarheid kennis van die mooi bydraes van kerke en lidmate.

3.3.4.2 Die Sinode gee opdrag aan die te benoemde Deputate om voort te gaan met fondsinsameling vir die Sustentasiefonds deur vrywillige bydraes te vra by kerke en/of instansies en/of persone

3.3.4.3 Die Sinode keur 5 kollektes per jaar goed vir die Sustentasiefonds met as riglyn R10.00 per lidmaat per jaar.

3.3.4.4 Die Sinode versoek Klassisse om kerke aan te moedig om toesig te hou (onder andere deur visitasie) dat die goedgekeurde kollektes opgeneem word.

#### **Besluit: Goedgekeur.**

## 4. **Opdragte**

4.1 Die Sinode benoem weer Deputate volgens die Reglement om die volgende opdrag uit te voer:

4.1.1 Om volgens die Reglement van die Sustentasiefonds toeseittings te maak uit die rente van die fonds.

4.1.2 Om die Sustentasiefonds uit te bou.

4.1.3 Dat daar jaarliks gerapporteer word aan Klassisse, Streeksinodes en ook aan die Sinode oor die wyse waarop die sustentasie toegeken word.

#### **Besluit: Goedgekeur.**

## E. **AANVULLENDE RAPPORT**

### 1. **Opdrag**

Die opdrag is in die Acta van 2006:283.

#### **Besluit: Kennis geneem.**

### 2. **Sake waarvan die Sinode moet kennis neem**

2.1 Vir die stand van die Sustentasiefonds se kapitaal- en rentefonds sien die finansiële state van die Administratiewe Buro.

#### 2.2 Aansoeke

2.2.1 Aansoeke is op dieselfde wyse as in die verlede behandel en beoordeel volgens die Reglement. Kerke wat aansoek doen om sustentasie, is gevra vir 'n bedieningsplan sodat die wyse waarop die kerk sy roeping wil nakom, duidelik is. Meeste kerke wat vir 2009 aansoek gedoen het, het ook 'n bedieningsplan voorgelê. Daar is indringend gekyk na kerke se bedieningsplan en dit gee 'n mooi oorsig oor die werkswyse van die kerke.

2.2.2 Die aansoeke deur die kerke by die Sustentasiefonds vir 2009 wat deur die Deputate behandel is, was R4 858 733. Die Deputate het 'n bedrag van R3 730 084

goedgekeur waarvan die Deputate van Partikuliere Sinodes<sup>a</sup> en Klassisse aangedui het dat hulle R1 314 760 kan bydra. Dit laat, nadat die beskikbare fondse in die Sustentasiefonds alles toegeken is, nog 'n tekort van R396 785. Dit beteken dat kerke net 83% van hulle aansoeke kan ontvang. Die Deputate doen 'n beroep op die Algemene Sinode om kerke op te skerp om mildelik by te dra deur hulle kollekties sodat die tekort van R396 785 wel aan kerke gegee kan word.

**Besluit: Kennis geneem van 2.1 tot 2.2.2.**

### 3. Sake waarvoor die Sinode moet besluit

#### 3.1 *Toekennings*

<b>Toegeken aan Streeksinode</b>	<b>Totaal van aansoeke</b>	<b>Deel voorsien uit eie fondse</b>	<b>Toekenning uit Sustentasiefonds</b>
<b>Bosveld</b>	150 696	114 551	36 145
<b>Pretoria</b>	108 000	108 000	0
<b>Noordwes</b>	1 004 142	537 060	467 082
<b>Oostelike</b>	116 325	116 325	0
<b>Vrystaat en KwaZulu-Natal</b>	787 059	98 825	688 234
<b>Suidelike</b>	1 141 571	164 999	976 572
<b>Randvaal</b>	422 291	175 000	247 291
<b>Totaal</b>	<b>3 730 084</b>	<b>1 314 760</b>	<b>2 715 324</b>

Van die toegekende bedrag, is daar net fondse vir R2 000 000 wat beteken dat 'n tekort van R715 324 bestaan. Indien die tekort wel deur kollekties en bydraes ingesamel word, sal die totale bedrag toegeken word.

#### 3.1.1 Aanbeveling

Die Sinode keur die toekennings wat die Deputate gemaak het, goed.

**Besluit: Goedgekeur.**

#### 3.2 *Fondsinsameling*

3.2.1 Aan al die kerke is 'n omsendskrywe gerig waarin bydraes gevra is.

3.2.2 Die Sinode moet met dankbaarheid kennis neem van die mooi bydraes van kerke en lidmate. Sien die finansiële state vir die bedrae wat geskenk is.

3.2.3 Nie alle kerke het kollekties vir afgelope jaar opgeneem nie. Gevolglik was die inkomste uit kollekties nie naby die riglyn van R10.00 per belydende lidmaat nie.

#### 3.2.4 Aanbevelings

3.2.4.1 Die Sinode neem met groot dankbaarheid kennis van die mooi bydraes van kerke en lidmate.

3.2.4.2 Die Sinode gee opdrag aan die te benoemde Deputate om voort te gaan met fondsinsameling vir die Sustentasiefonds deur vrywillige bydraes te vra by kerke en/of instansies en/of persone.

3.2.4.3 Die Sinode keur 5 kollekties per jaar goed vir die Sustentasiefonds met as riglyn R20.00 per belydende lidmaat per jaar. Kerke word gevra om mildelik by te dra om die tekort van R715 324 uit te wis.

3.2.4.4 Die Sinode versoek Klassisse om toe te sien (o.a. deur visitasie) dat kerke die goedgekeurde kollekties opneem en die kollekties, wat trustgelde is, stiptelik aan die Administratiewe Buro oorbetaal word.

**Besluit: Punt 3.2.1 tot 3.2.4.4 word goedgekeur.**

<sup>a</sup> Tydens die vergadering van 3-4 November 2008 was die Deputate teenwoordig dié uit die Partikuliere Sinodes, wat aan die einde van November, in nuwe samestelling, formeel vergader het as Streeksinodes.